



**Republika e Kosovës – Republika Kosova**  
*Paneli Zgjedhor për Ankesa dhe Parashtresa*  
*Izborni Panel za Žalbe i Predstavke*

**A nr. 1248/ 2013**

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ferit Osmani kryesues, Ymer Hoxha dhe Rafet Haxhaj anëtarë, duke vendosur përkitazi për ankesën e Iniciativës Qytetare G.I Srpska paraqitur kundër vendimit të KQZ-së për shkak të anulimit të rezultateve në tri vendvotime në komunën e Leposaviqit për zgjedhjet lokale, në seancën e panelit të mbajtur me 06.12.2013, mori këtë:

**V E N D I M**

**HIDHET** si i pa afatshëm apeli i Iniciativës Qytetare G.I Srpska.

**Arsyetim**

PZAP-i , më datën 03.12.2013, ka pranuar një apel nga G.I Srpska paraqitur kundër vendimit të KQZ-së për anulimin e rezultateve për zgjedhjet e mbajtura me 03.11.2013 në tri vendvotimet në komunën e Leposaviqit dhe atë në vendvotimet 1202B/01R ; 1202B/04R dhe 1205B/03R. Parashtruesi i apelit kërkon që të përsëriten zgjedhjet në këto vende për faktin se rezultati në këto tri vendvotimet ndikon në rezultatin total të zgjedhjeve në Leposaviq dhe se me një vendim të tillë të KQZ-së G.I Srpska i ka humbur dy ulëse në asamblenë komunale dhe ju është mohuar e drejta demokratike për më shumë se 550 qytetarëve për ti zgjedhur përfaqësuesit e tyre.

Neni 1 paragrafi 8 i Rregullave dhe Procedurave të PZAP-it thekson se PZAP-i mund ta rikualifikoj ankesën e dorëzuar si një apelim, në rastet kur PZAP-i konsideron se ankesa e dorëzuar do të trajtohej në mënyrën më të duhur si apelim.

PZAP gjeti se:

**Apeli është i pa afatshëm**

PZAP-i, konstatoi se apeli është i pa afatshëm ngase sipas nenit 8.5 të Rregullave dhe procedurave të PZAP-it përcaktohet që në lidhje me apelimin e një vendimi të KQZ-së apeli duhet të dorëzohet në PZAP brenda pesë ditëve pas njoftimit nga KQZ-ja. Apelimi ndaj vendimit të KQZ-së është parashtruar në PZAP me datën 03.12.2013, ndërsa vendimi i KQZ-së për rastin në fjalë është marrë me datën 11.11.2013 e çka nënkupton se kanë kaluar të gjitha afatet e përcaktuara sipas dispozitës së sipërshënuar për parashtrimin e apelit, andaj duke u bazuar nën 115.1 të LZP-së dhe nenit 8.5 dhe 9.2 të Rregullave dhe Procedurave të PZAP-it u vendos si në dispozitivë të këtij vendimi.

**Paneli Zgjedhor për Ankesa dhe Parashtrësia**

Anr. 1248/2013 më datën 06.12.2013.

**Kryesuesi i Panelit  
Ferit Osmani**



***Këshillë Juridike:*** Ndaj këtij vendimi mund të paraqitni ankesë në Gjykatën Supreme të Republikës së Kosovës brenda njëzetekatër (24) orëve nga momenti i marrjes së vendimit nga PZAP-i.